

ტექნიკური დავალება

შესყიდვის ობიექტს წარმოადგენს: ქ. მცხეთაში არსებული სსიპ ინტელექტუალური საკუთრების ეროვნული ცენტრის „საქპატენტის“ შენობის მიმდებარედ სახანძრო ჰიდრანტის მოწყობის სამუშაოების შესყიდვა.

სამუშაოთა შესრულების ვადები:

- სამუშაოები დასრულების ვადაა ხელშეკრულების გაფორმებიდან - 60 (სამოცი) სამუშაო დღე.

განმარტება :

პროექტი მომზადებულია შპს „ჰიდროს“ მიერ, ქ.მცხეთის მუნიციპალიტეტის მერიასთან შეთანხმებით და შპს „ჯორჯიან უოთერ ენდ ფოუერის“ (GWP)-ს მიერ გაცემული ტექნიკური პირობის დამუშავების საფუძველზე.

სამუშაოთა ძირითად შემადგენლობა, ისევე როგორც საპროექტო გადაწყვეტა, მოცემულია პროექტის შესაბამის ნაწილში, რომელიც აუცილებლად უნდა იქნას შესწავლილი და გათვალისწინებული.

პროექტით გათვალისწინებული მშენებლობის ძირითადი სამშენებლო მასალით, ნაკეთობებით და ნახევარფაბრიკატებით უზრუნველყოფის წყაროების ნაწილის მიხედვით, მოწოდებული სამშენებლო მასალები უნდა იყოს სერტიფიცირებული.

მშენებლობის წარმოების და ორგანიზაციის წინაპირობები, მშენებლობის განხორციელების გეგმა, მშენებლობის მართვის ორგანიზაცია, სამუშაოთა წარმოების ტექნოლოგია, ხარისხი, უსაფრთხოების ტექნიკა, შრომის უსაფრთხოების და გარემოს დაცვის შესახებ ვრცელი ინფორმაცია, მოცემულია ასევე პროექტის განმარტებით ბარათში.

მიმწოდებელმა სრულად უნდა უზრუნველყოს შესყიდვის ობიექტის განხორციელება, ხოლო თუ გამოიკვეთება ისეთი გარემოება, რომელიც ხელს უშლის შესყიდვის ობიექტის სრულად და ჯეროვნად განხორციელებას, დაუყოვნებლივ უნდა აცნობოს შემსყიდველს წერილობითი ფორმით.

მიმწოდებელმა თავად უნდა უზრუნველყოს მშენებლობისათვის აუცილებელი ნებისმიერი ნებართვის მოპოვება და შეთანხმების განხორციელება ნებისმიერ საჭირო ორგანიზაციასთან, ხოლო მშენებლობის დასრულების შემდგომ უნდა უზრუნველყოს შესყიდვის ობიექტის ექსპლუატაციაში მიღება შესაბამისი წესების თანახმად.

მიმწოდებელმა უნდა უზრუნველყოს სემეკის N32 დადგენილებით მიერთების საფასურის (432-579 მ3 დღე-ღამე), მშენებლობის ტექნიკური ზედამხედველობის, აღრიცხვის კვანძის მოწყობისა და შეჭრის საფასურის გადახდა შესაბამის ორგანიზაციებში, რაც მოცულობათა უწყისის მეორე გვერდზე ცალკე პოზიციებად არის გამოყოფილი. აუცილებელია

მიმწოდებელმა წარმოადგინოს შესაბამისი გადახდის დამადასტურებელი დოკუმენტაცია, ასევე მშენებლობის შემდგომ, წერილი, რომ შემსრულებელ კომპანიასთან დავალიანება არ გააჩნია.

მიმწოდებლის მიერ მოცულობათა უწყისის შევსებისას, სამუშაოთა ღირებულებაში გათვალისწინებულ უნდა იქნას პროექტით გათვალისწინებული სამუშაოების შესასრულებლად აუცილებელი ყველა საჭირო მასალა, მანქანა-მექანიზმი და ტრანსპორტი.

მიმწოდებელმა უნდა წარმოადგინოს ასფალტ-ბეტონის ხარისხის შესაბამისი დოკუმენტი (სისქის გათვალისწინებით).

მიმწოდებელმა უნდა განახორციელოს მოწყობილი მილსადენის ჰიდრავლიკური გამოცდა და გამორეცხვა შესაბამისი ნორმების გათვალისწინებით.

მიმწოდებელმა თავად უნდა უზრუნველყოს შრომის უსაფრთხოების დაცვა შესაბამისი წესებისა და დადგენილებების გათვალისწინებით. ასევე, მუშაობისას ადგილზე განთავსებული უნდა იყოს შესაბამისი მომნიშვნელი და აღმნიშვნელი ნიშნები, საჭიროების შემთხვევაში ამრეკლავი, ასევე მუშა პერსონალისთვის აუცილებელი ეკიპირება. სამუშაო ადგილის განათება უნდა მოეწყოს წესის მიხედვით. გადათხრის ორივე მხარეს უნდა დაყენდეს ციმციმა მაშუქები, ხოლო სამუშაოების წარმოების მანიშნებელი გამაფრთხილებელი ნიშნები უნდა განთავსდეს განათხარი/სამუშაო ადგილიდან 50მ მოშორებით. მძიმე ტექნიკის ოპერირება და გადაადგილება უნდა გაკონტროლდეს მედროშის მიერ.

სამშენებლო ნაგვისა და ნარჩენების მართვა უნდა მოხერხდეს შესაბამისი სტანდარტების შესაბამისად.

სამუშაო ადგილი უნდა მოწესრიგდეს, დასუფთავდეს და შემსყიდველს უნდა ჩაბარდეს პირვანდელს სახეს დაბრუნებულ მდგომარეობაში.

მოცულობათა უწყისით გათვალისწინებული სამუშაოების მოცულობა არის პირობითი, ანაზღაურება მოხდება ფაქტობრივად შესრულებული სამუშაოების მიხედვით.

მიმწოდებელმა უნდა წარმოადგინოს ფაქტობრივად შესრულებული სამუშაოების მოცულობების დამადასტურებელი სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან საქართველოში მოქმედი, შესაბამის სფეროში აკრედიტაციის მქონე ინსპექტირების ორგანოს მიერ გაცემული ინსპექტირების (ექსპერტიზის) ანგარიში, რომლის ღირებულება წინასწარ უნდა იქნა გათვალისწინებული.

სამუშაოთა მიღება-ჩაბარება განხორციელდება ფაქტობრივად შესრულებული სამუშაოების მოცულობების დამადასტურებელი ინსპექტირების ანგარიშის საფუძველზე, შესყიდვის ობიექტის ექსპლუატაციაში მიღების დამადასტურებელი და დავალიანების არქონის შესახებ დოკუმენტაციის წარმოდგენის შემდგომ.